


PI Lo_mercat.doc

Competéncias esperadas a la fin del cicle 1 (programas junh 2008) :

Es una sesilha ont las competéncias son transversalas :



Durada e luòc :

Dins la classa. La durada de la sesilha es de 45 minutas. Se passa lo divendres de matin.

Objectiu general :

Saupre utilizar la moneda en crompar de causas.

Vocabulari

Moneda, crompar, pagar, estalviar.

Material :

Porta-moneda e moneda, causas de vendre, los tilhets de prètz marcats ambe lo nombre en chifra e la constelacion, la banca.

Caminament :

Moment individual (15 minutas) :

Cada mainatge farga un objècte o un dessenh per vendre al mercat.

Moment collectiu :

Al canton (10 minutas), la regenta paga los mestièrs dels mainatges. Installa la botiga del mercat e bota lo prètz. Cada mainatge pren son porta-moneda.

La regenta dubrís lo mercat.

« - Dubrissi lo mercat del (data del jorn)

Tornam dire las leis del mercat :

- Podem crompar doas causas.
- Se avèm pas de moneda podèm pas crompar,
- Passam un aprèp l'autre. »

PI Lo_mercat.doc

A la botiga (15 minutas) : Los mainatges van a la botiga del mercat. Los prètz varian de 2 a 10 per objèctes. Cadun son torn los mainatges causisson un objècte e la regenta ditz lo prètz. Los mainatges comptan a nauta votz lors còrs e pagan la regenta.

Los objèctes son recaptats dins los cartipèls a la fin de la venda.

La regenta pòt valorizar lo fait que lo mainatge a cooperat a la vida de la classa en prener un mestièr e s'es plan tengut donc es recompensat.

Ça que là, los mainatges que vòlon pas crompar per estalviar o pòdon faire.

Los mainatges que pòdon pas crompar perque an pas de moneda, demòran al canton. La regenta pòt mostrar al mainatge que se fa plan son mestièr e se ten plan podrà crompar de causas lo divendres que ven.

Quand totes los mainatges son passats, la regenta clava lo mercat.

Los mainatges recaptan lor objècte e lor pòrta-moneda.

Avaloracion :

Saupre utilizar la moneda en crompar de causas.

Bilanç

Lo bilanç se fa sul quasèrn de jorn.